

# **Молитвы на каждый день.**

Необходимые слова  
для любой жизненной  
ситуации

Москва  
АСТ



Книжкин Дом

УДК 243  
ББК 86.372  
М75

Все права защищены. Ни одна из частей данного издания не может быть воспроизведена в какой-либо форме, включая фотокопировальные средства или системы хранения данных на электронных носителях.

**М75** Молитвы на каждый день. Необходимые слова для любых жизненных ситуаций / сост. В.Р. Шевченко. — Москва : АСТ, 2015. — 160 с.

ISBN 978-5-17-081739-9

В сборнике собраны все основные православные молитвы. Молитва — это общение человека с Богом, с миром невидимым-духовным.

По нашим молитвам обретаем мы душевный покой, с Божией помощью преодолеваем невзгоды, скорби, болезни. Помолившись за своих родных и близких, помогаем им в их бедах и чаяниях.

От молитвы великая польза. Нужно только верить, молиться искренне, с чистым сердцем.

Усердная молитва к Богу, Божией Матери, святым не останется без ответа. Пусть она будет вашим постоянным спутником в жизни.

ISBN 978-5-17-081739-9

УДК 243  
ББК 86.372

Руководитель проекта *Ж. Фролова*  
Корректор *Л. Ростова*  
Компьютерная верстка *В. Глухова*  
Обложка *В. Николаева*

Издание подготовлено литературным агентством «**Книжкин Дом**»

**ООО «Издательство АСТ»**

129085, РФ, г. Москва, Звездный бульвар, д. 21, стр. 3, комната 5

Общероссийский классификатор продукции ОК-005-93, том 2;  
953 000 — книги, брошюры

Подписано в печать 28.11.14. Формат 84 × 108 <sup>1</sup>/<sub>32</sub>.  
Усл. печ. л. 12,2. Доп. тираж 5000 экз. Заказ №

© Шевченко В.Р., составление, 2014  
© ООО «Книжкин Дом», оригинал-макет, 2014  
© ООО «Издательство АСТ», 2015

## ОГЛАВЛЕНИЕ

<b>Утреннее молитвенное правило</b> .....	5
<b>Вечернее молитвенное правило</b> .....	19
<b>Молитвы в продолжении дня</b> .....	32
Молитва на принятие просфоры и святой воды .....	32
Молитва на благословение пищи и питья .....	32
Молитва перед вкушением пищи .....	32
Молитва после вкушения пищи .....	32
Призывание помощи Духа Святого на всякое доброе дело .....	33
Молитвы перед началом всякого дела .....	33
По окончании же дела .....	34
Благодарение за всякое благодеяние Божие .....	34
Молитва на сон .....	35
Молитва после сна .....	35
Перед выходом из дома .....	35
На отгнание злых духов и сохранение от диавола .....	36
Стихиры Честному Животворящему Кресту .....	36
Молитва Кресту .....	37
Молитва Архангелу Михаилу .....	37
Молитвы Архангелам на каждый день недели .....	38
Тропарь и кондаки дневные на всю седмицу .....	42
Тропарь и кондаки воскресные .....	45
<b>Молитвы на всякую потребу</b> .....	51
Молитва ко Господу нашему Иисусу Христу <i>О путешествующих</i> .....	51
Молитва великомученику Георгию Победоносцу <i>О потерянных детях</i> .....	51
Молитва святым сорока мученикам Севастийским <i>О скором возвращении путешествующего</i> .....	52
Молитва святителю Николаю Мирликийскому <i>О благополучии в пути</i> .....	53
Молитва ко Господу нашему Иисусу Христу <i>За находящихся на службе в армии</i> .....	53
<b>Молитвы во время раздоров</b> .....	54

Молитва Пресвятой Богородице пред Ее иконой «Семистрельная», или «Умягчение злых сердец» .....	54
Молитва Пресвятой Богородице пред Ее Владимирской иконой .....	55
Молитва ко Господу нашему Иисусу Христу	
<i>О примирении враждующих</i> .....	56
Молитва благоверным князьям Борису и Глебу	
<i>О умиротворении враждующих</i> .....	57
О умножении любви и искоренении ненависти и всякой злобы .....	57
Во время бедствия и при нападении врагов .....	58
<b>Молитвы в скорби и печали</b> .....	60
Молитва Пресвятой Богородице пред Ее Почаевской иконой .....	60
Молитвы святителю Тихону Задонскому .....	62
<b>Молитвы о погибающих детях,</b>	
<b>освобождении их от пороков</b> .....	63
Молитва Пресвятой Богородице пред Ее иконой «Взыскание погибших», или «Избавление от бед страждущих» .....	63
Вопль к Богоматери.....	64
Молитва Пресвятой Богородице.....	65
<b>Акафист блаженной Ксении Петербургской</b> .....	66
<b>Акафист блаженной Матроне Московской</b> .....	76
<b>Акафист преподобному Сергию Радонежскому</b> .....	89
<b>Акафист благодарственный «Слава Богу за все!»</b> ...	103
<b>Правило ко Святому Причащению</b> .....	114
Канон покаянный ко Господу нашему Иисусу Христу ..	114
Канон молебный ко Пресвятой Богородице .....	121
Канон Ангелу хранителю .....	129
Последование ко Святому Причащению .....	135
Канон ко Святому Причащению .....	138
Благодарственные молитвы по Святом Причащении ....	155

# УТРЕННЕЕ МОЛИТВЕННОЕ ПРАВИЛО

## Молитвы утренние

*Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

Во имя Отца, и Сына, и Святаго Духа. Аминь.

*Затем немного подожди, пока все чувства твои не придут в тишину и мысли твои не оставят все земное, и тогда произнеси следующие молитвы, без поспешности и со вниманием сердечным:*

### Молитва мытаря

*(Евангелие от Луки, глава 18, стих 13)*

Боже, милостив буди мне грешному. *(Поклон).*

### Молитва предначинательная

Господи Иисусе Христе, Сыне Божий, молитв ради Пречистыя Твоея Матере и всех святых, помилуй нас. Аминь.

Слава Тебе, Боже наш, слава Тебе.

### Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша<sup>1</sup>.

---

<sup>1</sup> От Пасхи до Вознесения вместо этой молитвы читается тропарь: «Христос воскрес из мертвых, смертию смерть поправ, и сущим во гробех живот даровав». *(Трижды).*

От Вознесения до Троицы начинаем молитвы со «Святый Боже...», опуская все предшествующие.

Эти замечания относятся и к молитвам на сон грядущим.

### **Трисвятое**

Святый Боже, Святый Крепкий, Святый Безсмертный, помилуй нас. (*Читается трижды, с крестным знаменем и поясным поклоном*).

Слава Отцу и Сыну и Святому Духу, и ныне и присно и во веки веков. Аминь.

### **Молитва ко Пресвятой Троице**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды*). Слава, и ныне<sup>2</sup>.

### **Молитва Господня**

Отче наш, Иже еси на небесех! Да святится имя Твое<sup>3</sup>, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### **Тропари троичные**

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

---

<sup>2</sup> Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

<sup>3</sup> В церковнославянском языке нет звука ё, поэтому надо читать «твое», «мое», «зовем» и т.д.

И ныне: Внезапно Судия придет, коегождо деяния обнажатся, но страхом зовем в полунощи: Свят, Свят, Свят еси, Боже, Богородицею помилуй нас.

Господи, помилуй (*12 раз*).

### Молитва ко Пресвятой Троице

От сна востав, благодарю Тя, Святая Троице, яко многия ради Твоя благости и долготерпения не прогневался еси на мя, лениваго и грешнаго, ниже погубил мя еси со беззаконьми моими; но человеколюбствовал еси обычно, и в нечаянии лежащего воздвигл мя еси, во еже утреневати и словословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареву нашему Богу.  
(*Поклон*)

Приидите, поклонимся и припадем Христу, Цареву нашему Богу.  
(*Поклон*)

Приидите, поклонимся и припадем Самому Христу, Цареву и Богу нашему.  
(*Поклон*)

### Псалом 50, покаянный

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати

моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

### **Символ веры**

Верую во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса,

и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

### **Молитва 1-я, святого Макария Великого**

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхваляю имя Твое святое, Отца и Сына и Святаго Духа, ныне и присно и во веки веков. Аминь.

### **Молитва 2-я, того же святого**

От сна востав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лености ускорив возстави, и спаси мя в предстоянии и молитве, и по сне нощем возсияй ми день безгрешен, Христе Боже, и спаси мя.

### **Молитва 3-я, того же святого**

К Тебе, Владыко Человеколюбче, от сна востав прибегаю, и на дела Твоя подвигаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все

упование мое, и Тебе славу возсылаю, ныне и присно и во веки веков. Аминь.

### **Молитва 4-я, того же святого**

Господи, Иже многою Твоею благостию и великими щедротами Твоими дал еси мне, рабу Твоему, мимошедшее время ночи сея без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

### **Молитва 5-я, святого Василия Великого**

Господи Вседержителю, Боже сил и всякия плоти, в вышних живый и на смиренныя призираяй, сердца же и утробы испытуяй и сокровенная человеков яже предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящего жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех приидет, комуждо отдати поделом его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный,

и неизреченная сладость зрящих Твоего лица доброту неизреченную. Ты бо еси истинный Свет, просвещаяй и освещаяй всяческая, и Ты поет вся тварь во веки веков. Аминь.

### **Молитва 6-я, того же святого**

Тя благословим, вышний Боже и Господи милости, творящего присно с нами великая же и неизследованная, славная же и ужасная, ихже несть числа, подавшего нам сон во упокоение немощи наша, и ослабление трудов многотрудных плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащая ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно и во веки веков. Аминь.

### **Молитва 7-я, ко Пресвятой Богородице**

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укрепи, уныния сон отгоняючи. Связана пленицами грехопадений, мольбами Твоими разреши Богоневесто. В нощи мя и во дни сохраняй, борющихся враг избавляючи мя. Жизнодателя Бога рождшая, умерщвлена мя страстьми оживи. Яже Свет невечерний рождшая, душу мою ослепшую просвети. О дивная Владычня палато, дом Духа Божественна мене сотвори. Врача рождшая, уврачуй души моя многолет-

ная страсти. Волнующаяся житейскую бурю, ко стези мя покаяния направи. Избави мя огня вечнующаго, и червья же злаго, и тартара. Да мя не явиши бесом радование, иже многим грехом повинника. Нова сотвори мя, обещавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми уллучити веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моя скверну очищаючи. Стенания от сердца приношу Ти непрестанно, усердствуй, Владычице. Молебную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляючи; Емуже честь и поклонение подобает, ныне и присно и во веки веков. Аминь.

### **Молитва 8-я, ко Господу нашему Иисусу Христу**

Многомилостиве и Всемилостиве Боже мой, Господи Иисусе Христе, многия ради любве сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя несть се благодать и дар, но долг паче. Ей, многий в щедротах и неизреченный в милости! Веруй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел отнюд оправдающих мя. Но та вера моя да довлеет вместо всех, та да отвещает, та да оправдит мя, та да покажет мя причастника славы Твоя вечная. Да не убо похитит мя

сатана, и похвалится, Слове, еже отторгнути мя от Твоея руки и ограды; но или хочу, спаси мя, или не хочу, Христе Спасе мой, предвари скоро, скоро погибох: Ты бо еси Бог мой от чрева матере моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лености тошно, якоже поработах прежде сатане льстивому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно и во веки веков. Аминь.

### **Молитва 9-я, к Ангелу хранителю**

Святой Ангеле, предстояй окаянной моей души и страстной моей жизни, не остави мене грешнаго, ниже отступи от мене за невоздержание мое. Не даждь места лукавому демону обладати мною, насильством смертнаго сего телесе; укрепи бедствующую и худую мою руку и настави мя на путь спасения. Ей, святой Ангеле Божий, хранителю и покровителю окаянная моя души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страсе Своем, и достойна покажет мя раба Своя благости. Аминь.

### **Молитва 10-я, ко Пресвятой Богородице**

Пресвятая Владычице моя Богородице, святыми Твоими и всесильными мольбами отжени от мене смиреннаго и окаяннаго раба Твоего уныние, забвение, неразумие, нерадение, и вся скверная, лукавая и хульная помышления от окаяннаго моего сердца и от помраченнаго ума моего; и погаси пламень страстей

моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословена еси от всех родов и славится пречестное имя Твое во веки веков. Аминь.

### **Молитвенное призывание святого, имя которого носишь**

Моли Бога о мне, святыи угодниче Божий (*имя*), яко аз усердно к тебе прибегаю, скорому помощнику и молитвеннику о душе моей.

### **Песнь Пресвятой Богородице**

Богородице Дево, радуйся, Благодатная Марие, Господь с Тобою; благословена Ты в женах и благословен плод чрева Твоего, яко Спаса родила еси душ наших.

### **Тропарь Кресту и молитва за отечество**

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

### **Молитва о живых**

Спаси, Господи, и помилуй отца моего духовного (*имя*), родителей моих (*имена*), сродников (*имена*), начальников, наставников, благодетелей (*имена*) и всех православных христиан.

### **Молитва о усопших**

Упокой, Господи, души усопших раб Твоих: родителей моих, сродников и благодетелей (*имена*) и всех православных христиан, и прости им вся согрешения вольная и невольная, и даруй им Царствие Небесное.

*Если можешь, читай вместо кратких молитв о живых и усопших этот помянник:*

### **О живых (иная)**

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознеслся еси на небеса и седиши одесную Бога Отца, и призираеши на смиренныя мольбы всем сердцем призывающих Тя; приклони ухо Твое, и услыши смиренное моление мене, непотребнаго раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и разшири, умножи, умири, и непреобориму адовыми вратами во веки сохрани; раздиранья Церквей утиши, шатания языческаго угаси, и ересей востания скоро разори и искорени, и в ничтоже силу Святаго Твоего Духа обрати. *(Поклон)*

Спаси, Господи, и помилуй богохранимую страну нашу, власти и воинство ея, да тихое и безмолвное житие поживем во всяком благочестии и чистоте. *(Поклон)*

Спаси, Господи, и помилуй Великаго Господина и Отца нашего Святейшего Патриарха Кирилла, преосвященныя митрополиты, архиепископы и епископы, православныя, иереи же и диаконы, и весь причет церковный, яже поставил еси пасти словесное Твое стадо, и молитвами их помилуй и спаси мя грешнаго. *(Поклон)*

Спаси, Господи, и помилуй отца моего духовнаго *(имя)* и святыми его молитвами прости моя согрешения. *(Поклон)*